

**PEMBERITAHUAN PERTANYAAN BUKAN LISAN
DEWAN RAKYAT MESYUARAT KEDUA, PENGGAL KEEMPAT,
PARLIMEN KEEMPAT BELAS**

PERTANYAAN : BUKAN LISAN

DARIPADA : DR. ONG KIAN MING [BANGI]

SOALAN :

DR. ONG KIAN MING [BANGI] minta **PERDANA MENTERI** menyatakan untuk memberi pecahan kaum untuk pengundi 18 tahun ke atas yang belum mendaftar sebagai pengundi untuk setiap kawasan Parlimen di Malaysia.

JAWAPAN

**YB DATO' SRI DR. HAJI WAN JUNAIDI BIN TUANKU JAAFAR,
MENTERI DI JABATAN PERDANA MENTERI
(PARLIMEN DAN UNDANG-UNDANG)**

Tuan Yang di-Pertua,

1. Untuk makluman Yang Berhormat, Suruhanjaya Pilihan Raya (SPR) sedang dalam persiapan untuk melaksanakan pindaan Perkara 119 Perlembagaan Persekutuan iaitu berhubung umur kelayakan pengundi 18 tahun dan pendaftaran pemilih secara automatik sebagaimana yang diluluskan oleh Parlimen pada Mesyuarat Kedua Penggal Kedua Parlimen Keempat Belas seperti berikut:

| | |
|--------------|---------------|
| Dewan Rakyat | 16 Julai 2019 |
| Dewan Negara | 25 ulai 2019 |

2. Persiapan Persiapan yang sedang dibuat oleh SPR bagi pelaksanaan umur kelayakan pengundi 18 tahun dan pendaftaran pemilih secara automatik adalah meliputi:

- (i) pindaan kepada Peraturan-Peraturan Pilihan Raya (Pendaftaran Pemilih) 2002 dan undang-undang lain yang berkaitan;

- (ii) penyediaan *standard operating procedures* (SOP); dan
- (iii) penyediaan sistem serta infrastruktur.

3. Di samping itu, SPR juga telah mengenal pasti beberapa tindakan yang perlu dilaksanakan sebelum pelaksanaan umur kelayakan pengundi 18 tahun dan pendaftaran pemilih secara automatik seperti berikut:

- (i) membuat semakan maklumat bakal pemilih;
- (ii) membuat semakan di lapangan yang melibatkan bakal pengundi berumur 90 tahun dan ke atas;
- (iii) semakan di lapangan ke atas alamat untuk memastikan penentuan bahagian pilihan raya yang tepat;
- (iv) sesi libat urus dengan semua pihak-pihak yang berkepentingan;
- (v) program pendidikan pengundi kepada bakal pemilih; dan
- (vi) menyemak keperluan logistik bagi persediaan menghadapi Pilihan Raya Umum Ke-15 yang akan datang

4. SPR sedang mengadakan proses Semakan Pra-Pendaftaran Pemilih Automatik (SPPA) sehingga 31 Oktober 2021. SPPA diadakan bertujuan memberi peluang kepada warganegara Malaysia berumur 18 tahun dan ke atas sehingga 31 Disember 2021 dan belum mendaftar sebagai pemilih untuk menyemak dan mengesahkan maklumat mereka dengan SPR sebelum didaftarkan sebagai pemilih secara automatik.

5. SPR menjangkakan semua persiapan yang sedang diambil tindakan termasuklah menangani isu-isu yang berkaitan ini akan dapat diselesaikan dan seterusnya melaksanakan umur kelayakan pengundi 18 tahun dan pendaftaran pemilih secara automatik selewat-lewatnya pada 31 Disember 2021.

6. Justeru, SPR tidak mempunyai maklumat jumlah pengundi bagi semua bahagian pilihan raya Parlimen di seluruh negara yang meliputi bakal pemilih berumur 18 tahun dan ke atas memandangkan nama bakal pemilih berumur 18 tahun dan ke atas ini masih dalam proses pra-pendaftaran pemilih dan belum diperaku mengikut Peraturan-Peraturan Pilihan Raya (Pendaftaran Pemilih).

Sekian, terima kasih.

**PEMBERITAHUAN PERTANYAAN BUKAN LISAN DEWAN RAKYAT
MESYUARAT KEDUA, PENGGAL KEEMPAT
PARLIMEN KEEMPAT BELAS 2021**

PERTANYAAN : BUKAN LISAN

DARIPADA : DR ONG KIAN MING [BANGI]

SOALAN

Minta **PERDANA MENTERI** menyatakan untuk memberi jumlah isi rumah yang telah mengisikan Banci 2020 secara maya (online) dan juga secara bersemuka dan anggaran jumlah penduduk mengikut negeri berdasarkan Banci 2020.

JAWAPAN

**DIJAWAB OLEH YB DATO' SRI MUSTAPA BIN MOHAMED
MENTERI DI JABATAN PERDANA MENTERI (EKONOMI)**

Tuan Yang di-Pertua,

1. Operasi pembancian di lapangan telah tamat pada 31 Oktober 2021. Sehingga 31 Oktober 2021, jumlah isi rumah yang telah dibanci bagi Banci Malaysia 2020 adalah 8.1 juta. Perincian mengikut mod pembancian adalah seperti dibawah:

| MOD | ISI RUMAH (JUTA) | % | PENDUDUK (JUTA) | % |
|---------------|-----------------------------|---------------|----------------------------|---------------|
| Dalam Talian | 2.0 | 24.6% | 7.7 | 23.8% |
| Bersemuka | 6.1 | 75.4% | 24.6 | 76.2% |
| JUMLAH | 8.1 | 100.0% | 32.3 | 100.0% |

Nota: Perbezaan disebabkan perbundaran.

2. Jumlah penduduk mengikut negeri berdasarkan data operasi¹ Banci Malaysia 2020 sehingga 31 Oktober 2021 adalah seperti berikut:

| NO. | NEGERI | JUMLAH PENDUDUK (JUTA) |
|-----|-------------------|------------------------|
| 1 | JOHOR | 3.97 |
| 2 | KEDAH | 2.13 |
| 3 | KELANTAN | 1.88 |
| 4 | MELAKA | 0.87 |
| 5 | NEGERI SEMBILAN | 1.20 |
| 6 | PAHANG | 1.57 |
| 7 | PULAU PINANG | 1.74 |
| 8 | PERAK | 2.51 |
| 9 | PERLIS | 0.24 |
| 10 | SELANGOR | 6.92 |
| 11 | TERENGGANU | 1.18 |
| 12 | SABAH | 3.61 |
| 13 | SARAWAK | 2.30 |
| 14 | W.P. KUALA LUMPUR | 1.97 |
| 15 | W.P. LABUAN | 0.10 |
| 16 | W.P. PUTRAJAYA | 0.11 |
| | MALAYSIA | 32.31 |

Nota: Perbezaan disebabkan perbundaran.

Sekian, terima kasih.

¹ Data yang dilaporkan adalah penemuan awalan di peringkat operasi dan akan dimuktamadkan setelah melalui proses verifikasi dan validasi data.

**PEMBERITAHUAN PERTANYAAN BUKAN LISAN DEWAN RAKYAT
MESYUARAT KEDUA, PENGGAL KEEMPAT,
PARLIMEN KEEMPAT BELAS**

PERTANYAAN : BUKAN LISAN

DARIPADA : DR. ONG KIAN MING [BANGI]

SOALAN

DR. ONG KIAN MING [BANGI] minta **MENTERI KANAN PENDIDIKAN** menyatakan status terkini projek pembinaan sekolah di Taman Sutera Kajang.

JAWAPAN

Tuan Yang di-Pertua,

Untuk makluman Ahli Yang Berhormat, projek pembinaan baharu Sekolah Kebangsaan Taman Sutera, Kajang, Selangor telah diluluskan dalam Rancangan Malaysia Ke-10 (RMKe-10), *Rolling Plan* 2 tahun 2012 bagi memenuhi keperluan pendidikan rendah di Kajang. Skop projek ini meliputi pembinaan baharu 24 bilik darjah dan lain-lain kemudahan berkaitan dengan kos projek berjumlah RM22 juta dan kini dalam fasa pra pembinaan.

Projek ini telah mengalami kelewatan disebabkan beberapa cabaran akibat peningkatan kos yang tinggi. Pada masa ini, Kementerian Pendidikan Malaysia (KPM) sedang menunggu kelulusan Pelan Bangunan (PB) dan Kebenaran Merancang (KM) daripada Pihak Berkuasa Tempatan (PBT). Setelah mendapat kelulusan tersebut, projek ini dijangka ditender pada Jun 2022 dan dijangka siap pada September 2024.